

& VIII. *tata, verè affirmari potest, ex qua Ebionitas, Nicolaitas, Cerinthianos egressos esse, liquido constat.*

76. *Tandem unitatem hanc Ecclesiae non tollit Rituum sive Ceremoniarum dissonantia, quarum in Ecclesijs aliquis esse solet usus.*

77. *Nam ut rectè Confessio nostra infert: Satis est ad veram unitatem Ecclesiae consentire de doctrina Evangelij, & administratione Sacramentorum: Neque necesse est, ubique esse similes traditiones humanas, sive ritus aut ceremonias ab hominibus institutas.*

78. *Et sanè jam indè ab Apostolorum temporibus, dari nullum tempus potest, quo universalis in ritibus sive Ceremonijs Ecclesiae fuerit consensus & conformitas.*

79. *Quin imò de tali consonantia, ne Romana quidem Ecclesia in hunc usque diem gloriari potest, in qua, si nihil aliud, Monastici saltem ordines distincti & diversa celebrandi sacrificij Missae officia dissonantiam ingentem pariunt.*

80. *Præterea & impossibilis, & inutilis, & minimè omnium necessaria est illa rituum in Ecclesia conformitas: Impossibilis quidem propter diversa humani arbitrij iudicia, & crebras temporum, subjectorum & objectorum vicissitudines ac mutationes. Inutilis, quippè cum servitutis Iudaica iugo vel maximè conjuncta. Minimè denique*